



ORDENANZA NÚM: 26

ORDENANZA DE NORMAS XERAIS PARA O ESTABLECEMENTO OU MODIFICACIÓN DE PREZOS PÚBLICOS POLO CONCELLO DE SOUTOMAIOR.

Artigo 1.- FUNDAMENTO E NATUREZA.

Este Concello no uso das súas facultades concedidas polo artigo 127, en relación co artigo 41 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de mazo, poderá establecer e esixir prezos públicos, que se regularán por lo disposto nos artigos 41 a 47 de la citada lei, así como pola presente Ordenanza reguladora.

Artigo 2.- OBXECTO.

En xeral, poderán ser obxecto de exacción mediante Prezo Público, a utilización dos distintos servizos ou realización de actividades de competencia da autoridade local, sempre que a prestación de servizos ou a realización da actividade se refira, afecte ou beneficie de xeito particular ao suxeito pasivo e se produzan as seguintes circunstancias:

- Que sexa de solicitude ou recepción voluntaria para os administrados.
- Que non veña imposta por disposicións legais ou regulamentarias.
- Cando os bens, servizos ou actividades requiridos no sexan imprescindibles para a vida privada ou social do solicitante.
- Que os servizos ou actividades veñan prestándose polo sector privado.

Artigo 3.- OBRIGACIÓN AO PAGO.

Estarán obrigados ao pago dos prezos públicos os que se beneficien dos servizos ou actividades municipais obxecto do prezo público.

Artigo 4.- NACEMENTO DA OBRIGACIÓN.

- 1- O nacemento da obrigaón terá lugar dende o día en que se inicie a prestación do servizo ou a realización da actividade.
- 2- Cando por causas non imputables o obrigado ó pago, o servizo público ou a actividade administrativa non se preste ou realice, procederá a devolución do importe correspondente.

Artigo 5.- CONTÍA.

1. O importe dos prezos públicos deberá cubrir, como mínimo, o custo do servizo prestado ou da actividade realizada.
2. Cando existan razóns sociais, benéficas, culturais ou de interese público que así o aconsellen, a entidade poderá fixar prezos públicos por debaixo do límite previsto no apartado anterior. Nestes casos deberán consignarse nos orzamentos da entidade as dotacións oportunas para a cobertura da diferenza resultante se a houbese.
3. Cando a ordenanza reguladora así o determine o prezo público será esixido en réxime de autoliquidación.
4. Ao importe dos prezos públicos sumárase, se é o caso, o importe do imposto sobre o valor engadido, polo tipo vixente no momento do nacemento da obriga de pago deste.

Artigo 6.- NORMAS DE XESTIÓN, ADMINISTRACIÓN E COBRO.



**Concello de
SOUTOMAIOR
PONTEVEDRA**

1. O pago do prezo público efectuarase con carácter previo á prestación do servizo ou realización da actividade, emitíndose polo Concello de Soutomaior o correspondente documento cobratorio.

2. As persoas ou entidades interesadas na prestación do servizo ou actividade presentarán a oportuna solicitude de alta.

3. A presentación da baixa na actividade ou prestación do servizo, surtirá efectos a partir do día seguinte á finalización do período de tempo liquidado, sempre que a mesma cesara de xeito efectivo.

Artigo 7.-PROCEDEMENTO .

1. Toda proposta de fixación ou modificación dos prezos públicos deberá ir acompañada dunha proposta de Alcaldía ou do Concelleiro delegado, ou informe do xefe da unidade ou concelleiro correspondente e dun estudo ou memoria económico-financeira asinado pola Intervención deste Concello .

2. O establecemento ou modificación dos prezos públicos delégase polo Pleno da Corporación á Xunta de Goberno Local, en aplicación do art.47 do texto refundido de la Lei Reguladora das Facendas Locais e no artigo 23.2.b) da Lei de Bases de Réxime Local.

3. A fixación dos prezos públicos realizarase por acordo do órgano competente, no que deberá constar:

- Os concretos servizos ou realización de actividades que orixinan como contraprestación o prezo público.
- O importe a que ascende o prezo público que se estableza.
- A declaración expresa de que o prezo público cobre o custo do servizo, conforme á memoria económico-financeira unida á proposta, ou, no seu caso, a parte do custo cuberta con cargo ao orzamento municipal, con indicación da partida concreta.
- A data a partir da cal se empece a esixir o prezo público de nova creación ou modificado.
- A remisión expresa en todo o demais ao disposto nesta Ordenanza.

4. O texto obxecto de establecemento ou modificación dun prezo público será obxecto de publicación no Boletín Oficial da Provincia e no Taboleiro de Anuncios do Concello.

Artigo 8.- PROCEDEMENTO DE APREMIO .

As débedas resultantes do prezo público poderán esixirse polo procedemento administrativo de apremio cando se produza o seu vencemento, con suxeición ao Regulamento Xeral de Recadación.

DISPOSICIÓN FINAL:

A presente Ordenanza entrará en vigor e comezará a aplicarse ao día seguinte da súa publicación no Boletín Oficial da Provincia, permanecendo vixente en tanto non se acorde a súa modificación ou derogación expresa.

DISPOSICIÓN DERROGATORIA

Coa entrada en vigor da presente Ordenanza quedan derogadas as seguintes ordenanzas que quedarán reguladas pola nova Ordenanza de prezos públicos:

- “Ordenanza fiscal da taxa pola prestación de servizo de cursos de ensinanzas especiais organizados polo Concello de Soutomaior”,
- “ Punto 3. escolas e cursos do cadro de tarifas da Ordenanza reguladora da taxa pola utilización do pavillón municipal de deportes e outras instalacións deportivas”.